



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Ob ein einzige Person die Sünde könne vergeben?

urn:nbn:de:hbz:466:1-32901

Diesen Rott haben auffgerüret die Nouatiani, vnd Albiginenses wie Cyprianus lib 4 epist. 2. vnd S. Antonin. quarta parte titulo vndecimo, capite septimo melden / vnd einen grossen Gestanck vnder den Christen gemacht.

Doch solcher Gestanck ist bald durch die Geschicklichkeit Cypriani lib. 1. epist. 2. durch die Authoritet des Concilij zu Lateran. cap. 21. vnd durch das wolriechende Wort **G T T S** vertrieben worden. Denn waan wir unsere Sünde bekennen / so ist Gott ^{1. Ioan. 9.} trew vnd gerecht / das er vnns dieselbe verzeihet / vnd reyniget vns von aller Vngerechtigkeit / welches der offene Sünder wol hat erfahren: Dann als er seine ^{Luc. 18.} Sünde hätte bekennet / ist er gerechtfertiget inn sein Hauß gangen.

Ob ein einßige Person die Sünde könne vergeben?

Nein.

Aber den völligen gewalt des Schlüssels Christi hat er nicht einzigen Personen / sondern der gangen Gemein gegeben. Rechenſchafft / fol. 45. b.

Allhie beweisen die Wort Christi (nemmet hinden H. Geist) das er seiner Gemein den Gewalt gibe / hie auff Erden die sünde zu vergeben. Rechenſchafft / fol. 45. a.

Disen Wust haben die Widertauffer zum theyl von den Peputianis entlehnet / welche wie August. hæres. 27. vnd Epiphân. hæres. 49. bezeugen / haben fürgeben / das auch die Layen vonn Sünden könten los sprechen. **L 11** Doch

Co 1. 28.

Heb. 5:

Doch weil die Wahrheit vnüberwindlich ist/ so werden die Widertaufer mit den Peputianis zuschanden werden: Denn der Geist der Wahrheit spricht durch Paulum also. Gott hat etliche gesetzt in der Kirchen/ etliche Apostel/ etliche Propheten/ etliche Lehrer/ seyn sie alle Aposteln? seyn sie alle Propheten? seyn sie alle Lehrer? Niemandt nimbt ihm selber die Ehr/ sondern der berufft wirdt von Gott/ gleich wie der Aaron.

Titulus.
VII.

Was die Widertaufer von dem Ehestandt halten?

Ob ein Ehegemahl im Leben des andern zu einem andern möge heyraten?

Ja.

W Ir bekennen vnd lehren/oder lassen kein andere Ehe zu/ dann vns Christus mit seine Aposteln gelehret haben/ nemlich ein Mann vnd Weib/ vnd das dieselben nicht dann vmb Ehebruch sich scheiden mögen. Vnd auch so sich das Vn-glaubig gescheidet/ so ist der Bruder od Schwester in solchen fehlen nicht gebunden. Fundamentū pag. 23 1.
Dann wo es sich mit den Oberdretenten vor gethaner Busse vermischer/würde es mit ihm huren / ob es gleich vorhin sein Gemahl gewesen wär / denn es ist nit mehr ein Ehe/dieweil es zerbrochen ist. Rechen-schafft/ fol. 124. b.

Dieser Rott/welcher zuuor allein bey den Türcken vnd Heyden zufinden war/ haben die Widertaufer auch vnder sich bracht / damit das sie doch auch einen
Taa